

《佛說阿彌陀經要解》 補充講表

◎附表十：糅合《彌陀經要解講義》、《彌陀經要解親聞記》、《阿彌陀經要釋》

○今聞淨土攝受功德：如佛四十八願中第十一願

※《無量壽經》云：「設我得佛，國中天人，不住定聚，必至滅度者，不取正覺。」

○自淨佛土： ※《楞嚴經》卷一云：「諸法所生，惟心所現。」

※《華嚴經》卷三十所云：「心如工畫師，能畫諸世間，五蘊悉從生，無法而不造。」

※《維摩詰經》·佛國品云：「若菩薩欲得淨土，當淨其心，隨其心淨，則佛土淨。」

○如是等諸大弟子。「弟子」：學在師後曰：弟，是表示兄先弟後之意，兄喻先覺，弟

後覺也。解從師生曰：子，是表示子從父生之意，一切智慧道法，皆從佛啟育生故，亦

取父作子述之意，為佛弟子當紹佛種也。

○釋提桓因：梵名釋迦提桓因陀羅，略云：釋提桓因。新譯之梵名，釋迦提婆因達羅。釋

迦譯能，天帝之姓，提桓者天，因陀羅者帝，即能天帝也，今反轉梵語而謂為帝釋。

○淨土妙門，不可思議，無人能問，佛自唱依正名字，∴智者判作發起序，例可知也。

※此為別序，乃發起一經之由致，與諸部經各別，故名別序；又稱發起序也，法不孤起，起必有由。他經多為弟子發起，請問而說。此經乃無問自說，以淨土妙門，無人能問，法門何以稱妙？以但持六字洪名，即得三界橫超；念佛為因，而得成佛之果，非大眾智力所能知能問，故曰不可思議。無人能問，乃自唱依報極樂世界，正報阿彌陀佛，二種名字，以為發起也。唱者，宣也。佛智下，明發起此經之因緣也。如梵網下引例。經云：【我今盧舍那，方坐蓮華臺。周匝千華上，復現千釋迦】等。智者大師，判此段偈，作發起序。故此經雖無發起文，例智者大師，判梵網意，故判此文為發起序也。

○絕待圓融，不可思議。圓收圓超一切法門，甚深難信。

○絕待：離能所，絕對待。圓融：乃性相（理事）圓通融洽，無障無礙。

※《靈峰宗論》卷第四·示念佛法門云：「真能念佛，放下身心世界，即大布施。真能念

佛，不復起貪瞋癡，即大持戒。真能念佛，不計是非人我，即大忍辱。真能念佛，不稍閒斷夾雜，即大精進。真能念佛，不復妄想馳逐，即大禪定。真能念佛，不為他歧所惑，即大智慧。」

○橫互：指綿延橫列或橫跨、跨越之意。【互】ㄩㄩ、，是時間或空間延續不斷之意。

○佛土者，三千大千世界：須彌山（此云妙高，純是四寶所成，高八萬四千由旬），外有七金山，七香水海，次第相間，圍繞須彌，如七重城塹，次第圍旋，第七山之外，即大鹹水海，瀰漣四方於須彌，四面鹹水海中，浮四大洲，在東曰：東勝身洲（梵語：弗婆提，此云身勝，其人身形殊勝，從人立名，身高八肘，壽二百五十歲）。在南曰：南瞻部洲（名閻浮提，此云勝金，是樹名，洲有此樹，樹汁入水，沙石成金，超勝餘金，從樹立名，人高三肘，壽百歲以下，現在我等所居，即南瞻部洲也。以世界現在的五大洲推之，乃

南瞻部洲中，百千小洲中之一小洲而已）。在西曰：西牛貨洲（梵語瞿耶毘，此云牛貨，以牛為貨，從物立名，人高十六肘，壽五百歲）。在北曰：北俱盧洲（又名鬱單越，此云勝處，勝三洲故，人高三十二肘，壽一千歲，無中天者）。一洲中復有無數小洲，無數國土，鹹水海外有鐵圍山環繞如外城，同一日月所照，上至六欲天，此為一小世界，為初禪天所覆；合一千個小世界為一小千世界，為二禪天所覆；合一千個小千世界為中千世界，為三禪天所覆；合一千個中千世界為一大千世界，為四禪天所覆。共有十億須彌、十億日月、十億四天下，一大鐵圍山總環繞之，謂之大千世界，因三次言千，故說：三千大千世界。約豎言則謂三界（欲界色界無色界），約橫言則謂大千，此為一佛之化土也。

○然佛土有四，各分淨穢。凡聖同居土：五濁重者穢，五濁輕者淨。

※土尚無一，云何有四？因眾生無明有輕重，故感四土之別也。五濁有輕重，故感土有淨穢。先明同居淨穢之相：五濁者，性水本清，因塵勞而成濁。塵勞無體，依性水而有相。

(一)者劫濁：梵語劫波，此云時分。四濁增劇為體，遷流不息為相。(二)見濁：五利使為體，邪知謬解為相。(三)煩惱濁：五鈍使為體，惱亂逼迫為相。(四)眾生濁：三緣和合為體，色心陋劣為相。(五)命濁：壽暖識三為體，催年減壽為相。輕重分淨穢者：如三途濁重，則土穢。人道濁輕，則土淨。人道比天道，則人道穢，天道淨。欲天穢，禪天淨。娑婆總是穢，苦空無常故。極樂總是淨，因同居土中凡夫，與聖人同一例故。

○方便有餘土：析空拙度，證入者穢。體空巧度，證入者淨。

※此段辨方便有餘土淨穢之相。方便者，是佛權巧方便而設，是為化城，中途暫住之所，名有餘涅槃，非究竟寶所，無餘涅槃也。藏教阿羅漢，辟支佛所證；通教三乘，別教三賢，圓教十信，已斷見思煩惱，未破無明者，亦寄居於此。

※以四大五蘊，分析此身，觀我、我所，了不可得，故曰析空。體空則非但我空，法亦如幻。體達一切法，當體即空，故曰體空。

○實報無障礙土：次第三觀證入者穢，一心三觀證入者淨。

※此段辨實報無障礙土淨穢之相。實報者，真實果報土；種種莊嚴，無障無礙。又名實報莊嚴土。乃別教十地，等覺、妙覺，圓教初住至等覺，四十一位法身大士所居。次第三觀證入者穢，此指別教所修三觀，次第而入，先空、次假、後中。謂十信修析空觀，伏見思惑；十住修體空觀，斷見思惑；十行修假觀，破塵沙惑；十回向修中觀，伏無明惑；初地修中觀。破一品無明，證一分法身，始入實報土。以智不圓融故，所見土相則穢。一心三觀者，乃圓教菩薩所修，觀一念之心即空、即假、即中，是謂圓修三觀。此觀若成，則能圓斷三惑，圓證三德。故初發心住，即破一品無明，即證一分三德，而入實報土。

以觀智圓故，所見土相則淨也。極樂實報土皆淨，以國中一切菩薩，所脩所證悉圓頓故。

○常寂光土：分證者穢，究竟滿證者淨。

※此土乃如來所居。若約別教妙覺，但斷十二品無明，無明未盡，是為分證者穢。